

**Uunga siunnersuut: Illunut sanaqataaffiusunut taarsigassarsiat pillugit Inatsisartut  
inatsisaata allanngortinneqarnera pillugu Inatsisartut inatsisaat**

(Illunut sanaqataaffiusunut kommunimit taarsigassarsiat, illunillu sanaqataaffiusunik il.il.

aserfallatsaaliuinissamut, nutarterinissamullu taarsigassarsiat tapiissutillu)

(Ineqarnermut Attaveqaasersuutinullu Naalakkersuisoq)

**Akissuteqaat**

(Ineqarnermut Attaveqaasersuutinullu Naalakkersuisoq)

**Appassaaneerneqarnera**

Naalakkersuisut sinnerlugit Sanaartornermut Ataatsimiitaliaq, isumaliutissiissuteqarneranut aammalu peqqissaartumik ataatsimiitaliap sulisimaneranut, qutsavigaara.

Sanaartornermut Ataatsimiitaliap isumaqatigiittup siunnersuutip akuerineqarnissaa inassutigimmagu Naalakkersuisuniit nuannaarutigivarput.

Ataatsimiitaliap isumaliutissiissutimini maluginiarpa, aningaasanut inatsimmi taarsigassarseriaatsip ineriertortinnejarnissaa aningaasanut inatsimmi ilaani allami kinguneqassasoq, tassami aningaasat allaminngaanniit nuunnejarnissaat pisariaqartussaassammat.

Tassunga Naalakkersuisunit isumaqataalluinnarpugut, taamaattumillu Aningaasaqarnermut Akileraartarnermullu Ataatsimiitaliap akuersissuteqarneratigut taarsigassarsisitsarnermi atortussamik pisinissamut, ineriertortsinissamullu 2023-mi ilassutitut aningaasaliissutinut inatsimmi aningaasanik immikkoortitsisoqarluni.

Nunatsinni kommunit ataatsimoortumik tapiissutit qaffanneqarnissaannik piumasaqarsinnaanerisa malitsigisaanik, siunnersuutip aningaasaqarnikkut sunniuteqarnissaa ilimanartoq pillugu ataatsimiitaliap oqaaseqaatai Naalakkersuisunit maluginiarpagut. Nunatsinni kommunini allaffisornerulernissap naatsorsuutigineqarnerata malitsigisaanik kiisalu siunissami sanaqataaffiusumik illuliassat nutaat sananeqartussat amerlassusaasa allannguiteqartinnagut taamaaginnartinnissaannit, tamanna aallaaveqarpoq.

Naalakkersuisunit iluatsilluartutut isigissavarput, allanguutissatut siunnersuummi matumani, aningaasassat maannakkorpiaq sanaqataaffiusumik illuliassanik pisinissamut taarsigassarsiarititanut immikkoortinnejarsimasut kommunini siunertamut atorneqarnissaat tessani qulakkeerneqarpat.

Kommunit ukiumoortumik nalunaarusiortarnerisigut ineriertorneq aammalu allannguutissatut siunnersuutip matuma misilittagaqarfingineqarnera, Naalakkersuisunit malinnaaffiginiarpapput, siunissami aaqqissuussinermut ataatsimoortumik tapiissutit qaffanneqarnissaat pisariaqartinneqassanersoq nakkutiginiarlugu.

Naalakkersuisunit taamatut oqaaseqarluta, siunnersuutip akuerineqarnissaa siunertalarugu, siunnersuut pingajussaanneerdeqartussanngortinneqassasoq, inassutigaarput.